




Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-04-03566/26

Datum: 02. 07. 2026. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
ul. Reisa Dž. Čauševića br. 1
71000 Sarajevo
N/r Elvedin Okerić, predsjedavajući



PREDMET: Odgovor na zastupničko pitanje, dostavlja se;
VEZA: Vaš akt, broj: 01-04-31246-9/26 od 17.06.2026. godine

Poštovani,

U skladu sa Vašim aktom, broj i datum veze, kojim ste nam dostavili zastupničko pitanje zastupnika Bandić Muamera upućenog na 31. radnoj sjednici Skupštine Kantona Sarajevo, održanoj dana 17.06.2026. godine, a koje glasi:

" Anonimna grupa građana Fakulteta sporta i tjelesnog odgoja Univerziteta u Sarajevu (FASTO), od februara ove godine podnosi prijave Kantonalnoj upravi za inspekcijske poslove Kantona Sarajevo, kao i Upravnom inspektoratu, zbog sumnje na kršenje zakonskih propisa prilikom provođenja konkursne procedure za izbor viših asistenata na Fakultetu sporta i tjelesnog odgoja.

Nažalost, uprkos proteku više od pet mjeseci od podnošenja prijava, Kantonalna uprava za inspekcijske poslove nije izvršila inspekcijski nadzor po predmetnim navodima, odnosno prijavama. Jedino su se oglasili upravni inspektori, koji su ovu grupu obavijestili da su poduzeli radnje iz svoje nadležnosti, međutim, bez konkretnog rezultata i bez otklanjanja uočenih nepravilnosti.

Zbog navedenog, obraćam se Kantonalnoj upravi za inspekcijske poslove i Upravnom inspektoratu da izvrše inspekcijsku kontrolu i obavijeste me o rezultatima inspekcijskog nadzora i mjerama preduzetim prilikom provođenja istog. "

obavještavamo Vas da je Kantonalna uprava za inspekcijske poslove Kantona Sarajevo, odnosno nadležni Inspektorat prosvjetne inspekcije u više navrata zaprimio anonimne predstavke identičnog sadržaja. Međutim, kako su iste bile anonimne (bez naznake imena i prezimena podnosioca i adrese na koju bi se dostavila informacija nakon izvršenog inspekcijskog nadzora, shodno odredbama Zakona o inspekcijama Kantona Sarajevo), nije postojala mogućnost dostavljanja odgovora njihovom podnosiocu.

Naime, također Vas obavještavamo da je dana 14.05.2026. godine Inspektorat prosvjetne inspekcije zaprimio je akt Ureda za borbu protiv korupcije Kantona Sarajevo, broj: 20-04-341-692/26 DV od 07.05.2026. godine, u kojem je navedeno da je Ured zaprimio anonimnu prijavu koja se odnosi na navodne nepravilnosti u vezi sa procesom zapošljavanja određenih osoba na Fakultetu sporta i tjelesnog odgoja Univerziteta u Sarajevu tokom školske 2021/2022. godine.

U aktu je navedeno da se prema sadržaju anonimne prijave ističe da pojedini kandidati ne ispunjavaju formalne uslove konkursa i zakonom propisane kriterije, i to Denis Čaušević, za kojeg se navodi da ne ispunjava uslove za izbor u zvanje asistenta, odnosno višeg asistenta, te Semir Mašić, koji prema navodima prijave ne ispunjava uslov za izbor u zvanje višeg asistenta zbog nedovoljnog prosjeka ocjena.

Na osnovu navedenog, Ured je pisanim putem, aktom broj: UP-1-14-12-34-03504/26 od 22.04.2026. godine informisan od strane nadležnog inspektorata da je na navedene okolnosti već vršen inspeksijski nadzor 2022. godine, te da dostavljena anonimna prijava ne sadrži nove činjenice niti nove dokaze koji bi opravdali ponovno pokretanje inspeksijskog postupka.

Ured je, međutim, zatražio dostavljanje detaljne informacije o ključnim nalazima i zaključcima inspeksijskog nadzora provedenog 2022. godine, uključujući provjeru ispunjenosti formalnih uslova konkursa za konkretno imenovane kandidate, eventualno utvrđene nepravilnosti i poduzete mjere, kao i podatke o eventualno izjavljenim pravnim sredstvima.

Postupajući po navedenom zahtjevu izvršen je uvid u spis predmeta, broj: UP-1-14-12-34-04916/22, te je utvrđeno da je dana 07.04.2022. godine izvršen usmjereni inspeksijski nadzor povodom istih navoda iz prijave. Tom prilikom izvršen je uvid u cjelokupnu konkursnu dokumentaciju koja se odnosila na konkurs objavljen dana 28.12.2021. godine u dnevnim novinama „Dnevni avaz“ za izbor saradnika u zvanje višeg asistenta za više naučnih oblasti na Fakultetu sporta i tjelesnog odgoja Univerziteta u Sarajevu.

U odnosu na kandidata Semira Mašića utvrđeno je da je njegova prijava bila blagovremena, te da je prema potvrdi sekretara Fakulteta, broj: 01-192/22 od 17.01.2022. godine konstatovano da je prijava u koliziji sa članom 194. stav (1) tačka b) Statuta Univerziteta u Sarajevu, imajući u vidu da kandidat ostvaruje prosječnu ocjenu 8,03 na prvom ciklusu studija i 7,91 na drugom ciklusu studija. Istovremeno je utvrđeno da je Komisija za pripremanje prijedloga za izbor saradnika ocijenila da kandidat ispunjava uslove propisane članom 96. Zakona o visokom obrazovanju Kantona Sarajevo, zbog čega je predložila njegov izbor u zvanje višeg asistenta.

U odnosu na kandidata Denisa Čauševića utvrđeno je da je njegova prijava također bila blagovremena, te da je prema potvrdi sekretara Fakulteta konstatovano da je prijava u koliziji sa članom 194. stav (1) tačka b) Statuta Univerziteta u Sarajevu, s obzirom da kandidat ostvaruje prosječnu ocjenu 7,76 na prvom ciklusu studija i 8,45 na drugom ciklusu studija. Komisija je u svom izvještaju navela da kandidat ispunjava uslove iz člana 96. Zakona o visokom obrazovanju, te obrazložila da je prilikom donošenja prijedloga cijenila činjenicu da kandidat ispunjava uslove propisane zakonom, da je prethodno izabran u zvanje asistenta i da se radi o njegovom napredovanju u skladu sa zakonom, nakon čega je jednoglasno predložila njegov izbor u zvanje višeg asistenta.

Član 96. Zakona o visokom obrazovanju ("Sl. novine Kantona Sarajevo", broj 33/17) je propisivao sljedeće: "Uslovi za izbor u naučnonastavna zvanja na visokoškolskoj ustanovi su ..b)viši asistent: stepen drugog ciklusa studija (magisterij) odnosno integrisani ciklus studija, proveden izborni period u zvanju asistenta."

Po okončanju provedenog inspekcijskog nadzora sačinjen je Zapisnik, broj: UP-1-14-12-34-04916/22 od 07.04.2022. godine.

U predmetnom zapisniku nisu konstatovane nepravilnosti, iz spisa predmeta ne proizlazi da su poduzimane upravne ili druge mjere po okončanju nadzora, niti postoje podaci da su protiv zapisnika ili povodom provedenog nadzora izjavljene žalbe ili korištena druga pravna sredstva. Predmetni Zapisnik o izvršenom inspekcijskom nadzoru je istovremeno dostavljen i Univerzitetu u Sarajevu kao i Ministarstvu za nauku, visoko obrazovanje i mlade Kantona Sarajevo.

Nadalje, nadležni Inspektorat prosvjetne inspekcije ističe da je po svakoj naknadno zaprimljenoj anonimnoj predstavi postupano na način da je izvršen uvid u njen sadržaj, te utvrđeno da se radi o anonimnoj prijavi čiji su navodi već bili predmet inspekcijskog nadzora provedenog u predmetu broj: UP-1-14-12-34-04916/22, okončanom sačinjavanjem Zapisnika, broj: UP-1-14-12-34-04916/22 od 07.04.2022. godine. Tokom provođenja navedenog nadzora izuzeta je cjelokupna dokumentacija koja se odnosila na predmetni konkurs za izbor viših asistenata, a sve okolnosti iz anonimnih prijava bile su predmet razmatranja i ocjene u okviru zakonom propisanih ovlaštenja prosvjetne inspekcije.

Naime, član 31. Zakona o inspekcijama Kantona Sarajevo („Sl. novine Kantona Sarajevo“, br. 2/17 i 37/21) propisuje:

„Ako se predstavka odnosi na pitanje koje je povodom ranije predstavke istog podnosioca već bilo predmet razmatranja, ponovna predstavka u istoj stvari uzet će se u postupak samo ako su u njoj iznesene nove činjenice ili ako prilikom razmatranja ranije predstavke nisu uzete u obzir sve okolnosti od značaja za njihovu pravilnu ocjenu.“

Kako u konkretnom slučaju u kasnije dostavljenim anonimnim prijavama nisu iznesene nove činjenice niti su dostavljeni novi dokazi koji bi opravdali ponovno otvaranje inspekcijskog postupka, niti proizlazi da prilikom ranijeg nadzora nisu bile razmotrene sve okolnosti od značaja za donošenje inspekcijskog nalaza, Inspektorat prosvjetne inspekcije nije imao zakonskog osnova za ponovno provođenje inspekcijskog nadzora po istim okolnostima.

Na kraju, u odnosu na navode iz anonimne predstavke i zastupničkog pitanja kojima se ukazuje na porodične veze jednog od kandidata sa pripadnikom određene vojne formacije iz perioda ratnih dejstava, ističemo da takvi navodi nisu bili sadržani u anonimnim predstavkama koje su bile predmet ranijeg postupanja prosvjetne inspekcije. Navedene okolnosti ne mogu biti predmet nadzora Kantonalne uprave za inspekcijske poslove Kantona Sarajevo, odnosno Inspektorata prosvjetne inspekcije obzirom da zakonom nisu propisane nadležnost prosvjetne inspekcije, zbog čega po ovim navodima nije moglo biti postupano u okviru inspekcijskog nadzora.

S poštovanjem,

Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a



